

# C A I B. VII.

dheanamh réite 'san ionad naomha: loisgear 'san teine i.

## C A I B. VII.

**A**GUS *is e* so lagh na h-ìobairt-eufaontais: *tha i ro-naomha.*

2 Anns an ionad 'fam marbh iad an ìobairt-loisgte, marbhaidh iad an ìobairt-eufaontais: agus crathaidh e a fuil air an altair m'an cuairt.

3 Agus bheir e feachad dhith a faill uile; an t-earball<sup>a</sup> agus an ìgh a ta còmhachadh a' mhìonaich,

4 Agus an dà àra, agus an ìgh a ta orra, a ta làimh ris an loch-léin, agus an scairt a ta os cionn nan àinean<sup>b</sup>; maille ris na h-airnibh, bheir e air falbh i.

5 Agus loisgidh an sagart iad air an altair, mar thabhartas a bheirear suas le teine d'on Tighearna: *is* ìobairt-eufaontais i.

6 Ithidh gach firionnach am measg nan sagart dhith: 'san ionad naomha ithear i: *tha i ro-naomha.*

7 Mar an ìobairt-pheacaidh, *is* amhuil sin an ìobairt-eufaontais: *is* aon lagh dhoibh; leis an t-sagart a ni réite leatha, bithidh i.

8 Agus an sagart a bheir feachad ìobairt-loisgte duine sam bith, is leis an t-sagart so croicinn na h-ìobairt-loisgte a thug e feachad.

9 Agus buinidh an tabhartas-bidh uile a dh'fhuinear ann an àmhuinn, agus gach *ni* a dheasachear ann an aghann-ròslaidh, agus ann am méis<sup>c</sup>, do'n t-sagart a bheir feachad e.

10 Agus bithidh gach ta-

bhartas-bidh measgta le h-oladh agus tioram, le mic Aaroin uile, leis gach aon *uiread* r'a chéile.

11 Agus *is e* so lagh ìobairt nan tabhartas-sith a bheir e feachad do'n Tighearna:

12 Ma's ann mar bhreith-buidheachais a bheir e feachad i, 'an sin bheir e feachad maille ris an ìobairt-bhuidheachais breacagan neo-ghoirtichte measgta le h-oladh, agus dear-nagan neo-ghoirtichte ungta le h-oladh, agus breacagan measgta le h-oladh, do phlùr mìn, air a ròstadh.

13 A thuilleadh air na breacagaibh, bheir e feachad *mar* a thabhartas, aran goirtichte, maille re ìobairt-buidheachais a thabhartasan-sith.

14 Agus dh'i *sin* bheir e feachad aon as an tabhartas iomlan, *mar* thabhartas-togta do'n Tighearna, agus bithidh e leis an t-sagart a chrathas fuil nan tabhartas-sith.

15 Agus ithear feoil ìobairt a thabhartasan-sith air son breith-buidheachais, 'san là sin féin anns an d'hoirear feachad i: cha 'n fhàg e bheag dhith gu madainn.

16 Ach ma's bòid no tabhartas deònach ìobairt a thabhartais, 'san là sin féin anns d'hoir e feachad ìobairt, ithear i: agus air an là maireach mar an ceudna ithear a fuigheall.

17 Ach loisgear le teine fuigheall feòla na h-ìobairt air an treas là.

18 Agus ma dh'ithear idir a' bheag do fheoil ìobairt a thabhartasan-sith air an treas là, cha ghabhar i, ni mò a mheafar i dha-san a bheir feachad i: bithidh.

<sup>a</sup> bun an earbail.

<sup>b</sup> os cionn a' ghrùthain.

<sup>c</sup> aigheann.